

江鐵橋

崔

簽

京兆兵憲

維昔易稱伐鬼方來王于殷號氏羗武侯南征
牂牁郡盤州東北有盤江盤江派自吐番來
湧澎湃流黑滄淵邃探之無旣極往來陷溺多
淪亾想像朱公提師濟水藺倒戈拜明皇當
時夜渡怒濤犯胸中誓欲起輿梁石無懸柱木
無着鬼運神工何所長朱公幻出補天手鐵鎖
爲繩鈕石綱木片杉杉平鋪面輪蹄飛渡避汪
洋狀若虹霓標天際蒼龍蠓蜿鎖長江三十六

丈何平易千萬億人悉徜徉不用鞭石觀日出
上合天星數應七前有瀾江羨武侯此工浩渺
尚駕逸黔有盤江滇有路洪濛以來功第一沿
江雄鎮十一城宿衛長設君子營運籌還策久
長計護橋樓閣兩崢嶸嗟公身騎箕尾遊神奇
勛業造平成我憶鐵橋如親覩况復同事共友
生迄今欲挽盤江水淘淨寰宇洗甲兵繼志述
事卓月隆孝思公與鐵橋萬古名

恭題鐵橋圖

徐鼎勳

廓生
江都

盤山千疊嵯峨矗盤江一瀉滌洄瀆群巒環拱
勢森森亂湍貫流聲逐逐行人到此若奈何遭
逢胥溺頤天哭缺陷東南鯨鱷讐可憐赤子爲
魚肉我公仗鉞入不毛親嬰險阻飄艫舳一時
蕩汎井鬼氛三年補苴牂牁軸牂牁地軸金湯
俶我公矢志鐵橋築探水淵潭莫測深計工丈
綿三十六彩蟒峰腰鎖瑞雲鍊梁水面裁綃縠
廣濟通南等薺蔬碧波白虹猶樸檝此橋堪與
銅柱侔功德後先紀帛竹伏波武侯公前身身

丈何平易千萬億人悉徜徉不用鞭石觀日出
上合天星數應七前有瀾江羨武侯此工浩渺
尚駕逸黔有盤江滇有路洪濛以來功第一沿
江雄鎮十一城宿衛長設君子營運籌還策久
長計護橋樓閣兩崢嶸嗟公身騎箕尾遊神奇
勛業造平成我憶鐵橋如親覩况復同事共友
生迄今欲挽盤江水淘淨寰宇洗甲兵繼志述
事卓月隆孝思公與鐵橋萬古名

恭題鐵橋圖

徐鼎勳
廓生
江都

盤山千疊嵯峨矗盤江一瀉滌洄瀆群巒環拱
勢森森亂湍貫流聲逐逐行人到此若奈何遭
逢胥溺顛天哭缺陷東南鯨鱷讐可憐赤子爲
魚肉我公仗鉞入不毛親嬰險阻飄艫舳一時
蕩汎井鬼氛三年補苴牂牁軸牂牁地軸金湯
俶我公矢志鐵橋築探水淵潭莫測深計工丈
綿三十六彩蟒峰腰鎖瑞雲鍊梁水面裁綃縠
廣濟通南等薺蔬碧波白虹猶樸檝此橋堪與
銅柱侔功德後先紀帛竹伏波武侯公前身身

志未迨今來復了此南荒未了因振振奕葉繩
其祿公子雄才亦建牙腹笥萬卷奚徒讀睨彼
蜉蝣世事如倏然詩酒山家服小子雨牕覽惠
圖毛髮凜然戰篤速此身儼置鐵橋巔噴沫飛
濤珠百斛紙上低回猶竦惶匪躬若踐汗淋漓
遨游形勝癖雖堅過此未免神胸縮鐵橋鐵橋
萬世存我公萬世受尸祝

題盤江橋十六韻

鄒昌胤

仲孺
滇南

盤水西南來湍急如犇馬舟楫無全功旋入雷
淵下死者以壑量蛟螭自瀟洒禹跡不到處倩
誰爲補苴彼美方伯公憂深而慮遠鐵絙懸爲
梁水上蒼龍偃日夕雙闕昏僧徒下關鍵香雲
隨古木法鼓震青巘行者出於途以手頻加額
神僧擲渡杯王仲無飛翮誦公功不衰共指韓
陵石孔明獨何人先後炤簡冊人人皆似公世
道安得變背公而行私禍亂遂相禪寄語後來
者明德天所眷試觀繡鶴堂子孫足纓弁
披覽朱公先達鐵橋圖敬賦近體二章

方啓曾

桐城廣文

西來黑水莫知源曲注盤江渡絕援欲御奇肱
難遍及任街精衛總徒煩天開貢道生人傑山
接飛梁達玉門不是先生神補鍊星星空點伏
波墩

其二

恍然亭上展圖看者卜清源列大觀峽走驚濤
航屢絕手提貫索鐵交攢臨河永免歌無渡行
路從茲咏不難想見先朝銘柱日標題小葛最

情安

覽鐵橋圖敬賦二章

陸鳴珂 華亭進士

奇兵宵渡犯危波猶溺興思已誓河掃穴膚功
原立奏濟川偉烈更難磨尋源博望槎何在走
石漁人鐸亦訛自引金繩開覺路龍潭蛟窟等
閑過

其二

鐵柱浮梁亦讓奇天生石且遜人爲江經盤屈
龍濤險橋出虛空鳥道危三島巨虹猶影現雙

星駕鵲偶成期何如飛渡連雲處直與蘭津烈
並垂

覽同翁先生鐵橋奇製奉題二章

李明睿

南州學士

紅崖白石護雲烟尾灑山川別一天帝曰非君
橋不立公云濟衆鐵爲堅冶鎔變質飛虹起絡
繹憑虛斷峽連遙向廣陵緝繪冊滄州宛在綺
筵邊

其二

一線重開偉厥功至今石勒永稱雄尋橦引索
猶孤渡絡鐵凌虛始四通充國治湟過枕席君
謨檄海頓霓虹古今事信如符合橋上行人詠
曷窮

讀鐵橋志敬賦

釋普定

通白東魯

素慕南黔恨未臨從君方閱鐵橋吟濤翻黑水
千尋浪岸斷紅崖百丈溪行旅每愁沉溺險仁
人特展補天心囊金易就凭虛練高跨盤江濟
古今

讀鐵橋志敬賦

釋上願 堅明西蜀

萬里盤江一紙傳
臨圖疑夢故鄉川
鑿開雲岫通僊徑
鎖斷狂瀾共塞連
銅柱至今標漢史
鐵橋從此著明賢
欲知黔國山河壯
功業森然不記年

讀鐵橋志敬賦

釋福慈 三嚴楚黃

千尺洪濤泛海洋
憑虛高架鐵津梁
功成百鍊青山固
澤被盤江化日長
遠近文人歌勝槩
往來遊子沐恩光
飛虹幻出連雲棧
圖畫從教翰

墨香

讀鐵橋志敬賦

釋德潛 雪礪平江

萬里盤江得卧遊
烟波滿幅飽雙眸
濤飛百尺蜃樓幻
浪湧千尋鬼國愁
寶筏橫空青漢渺
鐵橋駕渡白雲浮
蒼生從此除危險
百代聲名孰可儔

讀鐵橋志恭紀

鄭星 掌和江都

公名自昔齊華岳
大業今看在澤梁
象馬邊隅輸貢遠
蛟龍窟宅奠安長
奔濤豈犯錢王弩
行

旅猶歌召伯棠縱有蛙唵難比德紫陽千載只
書香

讀鐵橋志敬賦

阮玉鉉

晉林江都

秦棧爰通蜀黔梁始控滇策功銅柱埒拒險鐵
門堅象貝謹重譯梯航利大川重臣經濟苦疑
運褫龍鞭

大方伯同翁朱老盟伯老先生鐵橋圖志

鐵橋狀制奇創天巧莫傳瓊言紀異垂
象來茲俾知設誠康濟卽甚艱阻無不

可爲之事云

周南

二爲婁東

盤江之水深且狂古來覆溺愁人腸我公濟師
戡鬼方誓從絕壁創飛梁焦思數載神慘傷巧
誠天授制非常度橋五十一仍長鐵縞直排三
十牋一縞三百鐵扣剛扣重十八九斤彊縞端
十丈穿山航鐵軸橫紐石覆藏縞鋪大木如康
莊嚴樓甕堞護兩塘紺宮層矗連雲翔長虹初
月遙相望懸車束馬昔望洋度索尋橦愧坦行
孰使平蕩咸遵王滇黔通道威氏羗車書貢賦

來要荒當年有道闢明堂嘉名褒錫撫梯航陋
彼沉璧築宣房行看驚濤激怒颺人人下馬奠
公觴知公精爽在 帝傍手織河漢橫天章

奉贊同翁先生像

黃文煥 晉安太史

古者兵農不分爲二將相亦合爲一故六卿皆
出將之官詩人稱文武吉甫且曰萬邦爲憲其
望人人以將相才庶天下事永有濟乎否則止
於一人一時莫之繼矣觀公之像及贈典所稱
使世槩如公家庭亦何羨成周卜年哉握管向
天涼風忽來欲掣洒餘墨於空中

附題理漕吳會圖云 卓月公未理漕時余
尚在山陽爲令晨夕稟漕撫擘畫旣入詞林
撰黨碑則辛巳之歲矣歲終出白雲復至淮
上未得與卓月相見乃今從畫圖中觀之余
與公均爲世外身不復跳入畫圖也誰真誰
幻將共問人耶自問耶請問之百世下必有
能辯之者

題編年圖

庚子清和旣望

閨媛吳山

巖子金陵

卓月先生晦翁裔碩儒名宦流芳系古梁金碧
舊鄉園奕世恩榮忠孝悌韓山鍾秀蘊琳琅才
智如君詩可王總角執經登太學垂髫侍策鐵

維航湘行子晉洛行歲烟月江鄉惟兩地鳳簫
雁色樂人倫畫舫河源敦孝思出處丹青鶴夢
沉長安日近五雲深從此匆匆勞國事維垣睥
睨築淮陰蟬聯勛業歸榮老携孫送祖三山道
萬里山川骨肉香牽人名祿傷懷抱三吳千頃
疊牙檣民天國本任輝皇風雅竹西香洛社姻
聯王謝玉冰芳循垓正賦采蘭句昊天忽墮酸
風雨白草黃雲心骨崩豺豨更阻悲號路繇來
忠孝古無完危疆矧乃賴君安墨勅九重馳玉

帳蠡湖澄海靖鯨瀾其時痛涕新南北浮家明
聖湖中息鶴映風驚思若何椒觴慘對雙峰挹
節牙文物又瀟湘元凱軍威震閩漳龍陣逶迤
山嶽撼彩毫歷落斗星光幄中籌運神機妙斯
須扈從承丹詔嘉謀遺愛郁甘棠道旁山鬼咸
悲嘯濟濟干戈正戚揚傷哉田海復田桑邯鄲
枕上黃梁熟靜生齋裏酒詩香恍然亭繡鶴堂
清芬百代崇紫陽麟趾鳳毛文德麗封侯何羨
鬢絲斑爲君歌歌高山予本拙訥衙門氏漫然

鴉點金石間敢云嘆詠相追攀爲君歌歌高山

附戊戌清和贈恍然亭詩云流水浮雲思悠悠任坎盈亭栽百代義途徑可縱橫花竹憑舒卷琴書自雨晴虛欄延嘯鶴綺檻瞰流鶯蕙晚芳踪永蘿窓文氣清水簾嚴夏日玉樹燦春英斗彩光臨劍松霞火逼鐺據梧嬉蝶夢聞角感鷄鳴桑海非耶是恍然終古情又題贈四本堂聯云松籟晝閒萬里孝思懷繡雀藜光夜燦千秋文業肆雕龍

讀朱老先生鐵橋志書賦贈

高 曜 知白江都

誰從天半駕長虹姓字傳來填國翁鏘鐵爲橋通絕域刊山作閣擬蒼穹南陽卧子滄江上矍

鑠將軍交趾中我讀志書欽軼事與梁猶是古今同

讀朱老年伯鐵橋志敬賦 戚 藩 江陰進士

盤江之上巨靈若盤江之水鴻溝割於今精衛更啣金丹爐平架虹梁石問誰作始奏神功再見征南小葛公女媧補天不補地伏波磨鐵先磨銅亦越有待傑興者椎擊犴狴歸大冶如意一指化長繩三千齊驟渥注馬憶昔淵骨高於山鼃鼉吐吸赤流湍艷說洛陽潮信赫空傳博

望星槎寒一朝襟鎖帶雲橫蛟螭暗泣饒眸瞪
蠻烟洶波兩地失巴黔叩夔梯成津玉斧畫封
大渡西幾堪南詔兵爲壑那知鈔點化工手優
游還賦相如題羅浮之橋蚪柱折連雲之棧豺
眼疾爭如瀾盤履道安改步不改金繩碧層城
當日邀天銜貫索千秋穩錦帆筮篥須彈鐵船
引徒勞壁馬投瓠函

恭題鐵橋二律

徐履忱

孚若
崑山

帝遣勞臣鎮遠方牂牁萬里架虹梁盤江畫鏢

蛟宮險洱海晴看蜃市藏辛苦十年留廟食勲
名千載勒旂常按圖想見揮戈處長使皇威播
夜郎

征南車騎報重圍夜渡寒光照鐵衣自識鑄銅
苗部服不勞鞭石海濤飛人從嶺際窺紅樹馬
向城邊度翠微聞說御題璇榜在願留仙梵報
恩暉

奉贈大都護朱老先生

少年儒將事戎行解組歸田鬢未霜西角盡消

山霧黑樓船夜泛海波黃檄成眉鼻風雲壯詩
入歌喉宛轉香更喜輞川多勝賞翩翩裘帶自
生光

題鐵橋志

朱瞻祖

念皇
虞山

繡書燈下路迢迢萬里今知有鐵橋自我品題
非異姓伊人創建已前朝馬行天半衝朝霧龍
卧江中湧夜潮那得此生携蠟展臨風把酒一
逍遙

其二

濟川當日有元戎擊楫心期阻道通高雉築雲
三載後長虹鎖雨萬山中天留缺陷成奇蹟人
痛淪胥想化工自是雲臺不朽事瀾滄飛渡古
合同

鐵橋志書對聯匾額

題橋

朱燮元

鑿山建刹振清鈴佛方出世

鎖鐵橫空成大筏人可補天

其二

朱化孚

撫盤江滌盡紅塵不拘雲去鶴停着眼東西
皆佛地

望烟霞光聯紫極喜見星羅斗拱舉頭南北
卽天台

其三

張繼孟

鰲背渡仙郎堪待相如題柱
虹梁通上國無勞子路問津

其四

吳兆元

靜倚樓臺盼清漣漾漾溶溶見其來不見其
去水面天心居然海閣三蓬島

閒遊橋畔看行人熙熙穰穰漁者往樵者復
續岩攀壁拊別是黔湘一洞天

其五

吳達中

渡蟻猶稱矧更濟人利物
編橋有頌何如鐵扣金繩

其六

王伉

鐵練掛盤江淵澤上煥然銀漢
石城接滇境憩舍處展也金湯

其七

楊繩武

連雲城上望江心一線清流通地脉
筑水橋頭瞻嶺岫兩行孔道陟天涯

其八

王錫袞

路指迷津萬古慈航登道岸
山迎晚炤千年慧日熾天光

其九

陳士奇

自盤江而上連建六城一路福星弘覆幬
從洛陽以來玉橋重跨九州赤子躋春臺

其十

朱葵

駐節經營遠紹八年旃旆
殫精擘畫適追三過焦思

觀音閣

朱燮元

巨靈劈破碧流深西極直連南海
大士飛來紫氣聚迷津永作亨衢

其二

雷躍龍

殿閣對臨梯級巖欄皆畫景
坡流夾映亭廬花鳥盡文章

大願寺

黃維玄

欲啓禪扃持智鑰
思窺教海渡玄橋

金剛殿

朱化孚

金橋志書
智境閒閒雲自在

靈源湛湛水長流

鶴停軒

朱燮元

高閣駐仙人抽出青蛇橫碧落

深潭隱神物散爲霖雨濟蒼生

三清殿

吳思溫

苦海植菩提超度涅槃登覺路

福田滋庇廕興徒江涉步亨衢

接引石亭

許成名

共遵皇極路

同向佛門行

補天祠

吳達中

宦歷四朝內以順外以威懋蹟光天昭日月
業垂千古水有橋陸有雉道心隨處鎮江山

其二

黃維玄

城聳連雲勘定功勞同時永

江盤放海報崇香火共流長

其三

李天植

目擊江流隱切過門睿慮

鼎新廟貌永沾拯溺洪猷

橋頭石柱

朱家民

煉轉河沙金功圓行滿

度來般若岸飛步遊空

留衣亭

潮陽有文公留衣亭因題之

曹代之

天排雲陣環江吼

地擁銀山萬馬奔

其二

張鏡心

遠寺吐珠閣

春泉掛綠烟

橋匾

甘學濶

金鼈玉竦

其二

吳達中

績邁宋郊

其三

李一鵬

功媿神禹

其四

張邦翼

萬里飛虹 以下如鎖鑰金湯長城鞏固諸等不及細錄也

觀音閣 朱燮元

萬秀拱靈

其二 張瑞圖

飛閣流丹

其三 朱葵

堆雲積翠

呂祖堂 朱燮元

鶴停軒

金剛殿 朱化孚

水月凝光

地藏殿 朱化孚

性海泓澄

關帝廟 朱家民

萬國尊親

三官殿 朱家民

承天運化

玄帝觀 朱家民

贊天玄化

石坊

朱燮元

開山作祖

朱大總憲功耀河山今從輿人之請特建石坊以垂永百世

補天祠

曹代之

屈膝祠

其二

曹代之

社稷名臣

其三

錢士晉

功高銅柱

其四

吳達中

德隆河嶽

其五

韓如愈

名垂宇宙

其六

李若星

補天浴日

其七

段師文

完名全節

勅賜城名十一座

朱家民建

連雲城

地居盤江

有嘉城

地居江西坡

靖氛城

地居板橋

奏膚城

地居小黃河

恬波城

地居海子堡

平黔城

地居亦資孔

清豐城

地居鼎站

舞干城

地居定頭南

順化城

地居尾灑界

懷仁城

地居石基

馴象城

地居龍場界

大願寺置香火常住田二千金另有碑記

建凉水井瞭高樓

腊茄堡瞭高樓

紅水灣瞭高樓

黔宗嶺瞭高樓

廣陵紫陽書院之繡鶴堂藏板

大方伯朱公傳

鄒

漪

流綺無錫

公諱家民字同人別號天民南直江都人也籍于滇之曲陽世居關壯繆廟側生之夕母任太夫人夢鱗蛇自聖殿飛騰蟠入寢室臥而生公公豐頤廣額倜儻不群幼卽穎異讀書日誦萬言里中以神童目之歲丙戌以第一補諸生中萬曆丙午鄉試丁未下第會滇南阻賊就選涪州知州值三殿門工涪故當採木地公起運異材以萬計未嘗病民巡方使特薦其能又清戶

口除包賠給牛種剪豪強興學校通商賈刻勵
與除人歌朱父癸丑轉潮州府政聲益著戊午
舉卓異旋丁內艱歸起補真定撫賞宣雲以才
守推第一壬戌舉邊才改貴陽府知府時安酋
叛省會城圍公叱馭而前或有請從間道暫旋
里者公曰吾受國恩業以身許若聞難而苟免
義之所不敢出也遂手書付子謂時事多艱家
緣難顧惟有一死報君兒輩善事大父無他及
語既蒞平越王中丞三善檄公走蜀借援卽召

毛兵于梁楚嵩洛間電掣星馳貴圍以解尋陞
安普監軍副使大小百戰爲士卒先越三年通
上六衛不待兵馬之集躬率千人乘間闢路直
抵盤江漢官威儀從此復振盤江故黔滇衝危
界層崖疊嶂壁立千仞水深無際濶且三十六
丈方公之倉皇夜渡也幾罹不測而黔自安酋
蹂躪後蓬蒿數千里伏莽鴟張所在見告于是
次第築連雲有嘉等城十一座爲生民生聚計
奉旨錫以嘉名而又議造鐵橋先是漢將軍馬

援設法利濟岸建兩石墩尋以水勢浩瀚奔騰
莫敢措手公憤然曰橋不成者誓以身殉乃鎔
鐵成扣聯扣成索餘其索之頭末各數十丈鈕
鐵軸而藏山窟中仍加重覆焉鋪以木幹緣以
鐵索輪蹄來往若天馬行空復建鼓樓爲橋護
建月城爲樓護梵宮琳刹碁布星羅沿江一帶
望若化城前此狼奔豕突之區牂牁而渡莖魚
腹者幾以壑量至是始獲寧宇而覩安瀾俾水
西不敢南向牧馬者皆公力也已由按察使遷

左布政所至以廉惠稱黔固瘠地又值兵荒往
歲官藩司者例請楚餉之半以濟軍需至公而
釐奸剔蠹計餘銀六萬兩籍入報部天子嘉其
能平臺召對賜宴光祿優禮倍至以叙平黔功
加俸一級給諫張鏡心曹代之交疏薦公邊才
會延綏巡撫缺大冢宰以公名上再四乞休得
旨賜歸公品度端凝搃履醇潔生平以范文正
王文成爲法與人交不市恩不修郤推心置腹
絕去崖岸退食之暇究心宗門少有俸餘卽攷

孜孜行義勿輟嘗修山路一千里以便行旅置學
田數百頃以贍貧儒凡饑待炊寒待絮粒殍糶
死不可勝數而自奉儉約食無甘旨衣必澣濯
著有端俗約言訓世至天性慈仁涇涇自矢暮
夜之金未嘗稍染爲臬司時惟恐一囚失入早
暮焚香告天如趙清獻故事所節省公費餘萬
金僉助軍需嘗曰吾以一介寒儒登朝食祿當
思所以砥礪樹立仰報國恩毋使身後遺有餘
貲上負君父下累子孫以故歷仕三十年萊蕪

之塵幾滿而才周四應臨戎決策迅若發機曾
以大計入覲值保安州告陷大司馬陳新甲題
留恢復不三月而民安甫及期而邦之人大靖
公有紀事詩云白髮平番人尚舊丹綸留朔姓
傳香其爲時推重如此崇禎壬午十二月卒于
家得年七十四尋以叔子潮遠貴贈公榮祿大
夫四世一品如其官潮遠具文武才年未三十
歷官至大都督總鎮漳潮等處擒海盜禦巖疆
屢建奇功八閩兩粵並留惠澤觀兵之暇日事

詩史著書充棟與黃公道周何公楷爲石交蓋其忠孝性成博學秉禮重文章敦氣誼慷慨磊落洵一代偉人也所著有風動石恍然亭靜生齋詩文諸編行世潮遠子紫弱冠負文譽不忝清白吏後云

論曰先生築石城樹絕徼之金湯造鐵橋補河山之缺陷其功在社稷名垂日月無間然矣顧論者比於武侯之建瀾江仁愿之築受降以爲千古鼎足而予猶有議者瀾江天險隨歸西晉

受降形勝終沒殊疆且二公當日不聞有子象賢爲國宣勞奏救寧之偉績布允塞之皇猷也今觀先生雄關勝跡儼然爲魯靈光至今荒甸之地猶覩文軌之風而大將軍復振起而光大之玉帳連營樓船泛海支持板蕩再更甲子拂袖投閒豈非先生之家聲巨業有遠過于二公者乎夫覩河雒者思神禹之功過銅柱者追伏波之烈區區洛陽錦官水沙朱雀特媚觀爾善乎制詞有云父以文階宣猷子以武事悅禮鳴

呼諒哉

外史鄒昌胤跋曰以中州視黔則黔遠而滇尤遠然滇之山水明秀川原平衍物產珍奇甲於天下黔則否否山川逶迤菁林深密苗蠻獷悍虎豹充斥其風景別一世界見之使人抑鬱不快前此取道黔中者寄人籬落下夜不警備輒為於菟糜爛齒牙間又盤江道路崎嶇毒霧中人水勢洶湧即尋糧度索違違葬魚腹方伯公蒞黔最久而功亦最偉與虎豹爭民而建十一城迄今無獸警又與魚鼈爭民而剗為鐵鎖橋迄今無水患此皆昭昭在人耳目者然人知公之為黔官而愛黔民之切不知其生滇地而愛滇人尤摯也此雖予筆中舌而實公當時意中事故今黔人之受公賜者無不社而稷之尸而視之滇人之過祠下者亦無不以一瓣香為曾南豐藝也以脉彼生無聞于特死無傳于後者孰得

而孰失或者又謂公為子孫建不拔之基不憚於拮据故今之麟趾麟定蒸蒸翔起予不謂然董子曰仁人者正其誼不謀其利明其道不計其功使當時一有責報于天之心橫于胸中則為善必不力徘徊顧望安所得不朽之盛事也彼美毛錐者妄為揣度而于公當日之深衷尚未夢見在
孫男紫謁述曰先大父生父輩三人大伯父諱服遠舉庚辰歲進士參閣部軍事次伯父諱賓遠舉壬午歲進士仕陸涼州知州三則家大人居嘗庭訓以心性為宗以名節為重故兩伯父皆毅然先後殉節亦生平恪遵家學之所致也紫為先大父第五孫昆季八人而紫尤為篤愛先大父入觀時寧家廣陵紫尚在弱齡即諄諄以正心誠意為訓每語人曰兒良知方啟不可不端其初心蓋蒙養孫輩如此所著家誠皆修身立命之學茲集不能悉載謹從年譜中錄其四則雖不敢謂身體力行而先大父之方正醇懿亦可槩見矣

一畏天命神明是提醒心性歸根實學
吾儒之身一小天地具藏萬神戒慎恐懼之
心卽此萬靈發竅處所以惡卽爲自欺善卽爲
自慊此非神而何今人將此神迷昧所以不
靈却是醉生夢死讀書修身養性一以貫之
身心向學要有安頓則讀書做人方有下手
如學而時習定要學習的甚麼孝弟是
爲人處定要學爲人的大本一日間可曾
於三省中有些進益如此看書爲有頭學問
章章皆然至居家立朝方有光明之業可觀
一立志要堅定下得種子好到底收成有分別
天行健可有日少行一度君子法之以自
強不息窮困讀書要咬得菜根不以貧窶攝
志達時行道要隨分盡職不瞻前顧後始終
成個自強此是傳家學脉種子好護持之
一崇儉以惜福
每見貴介席父祖業鮮衣怒馬誇示華要衣
必文繡食必甘旨其後多至於困厄古人所
謂富貴生驕奢驕奢生貧賤也武侯曰淡泊
明志寧靜致遠能常體之亦不失爲賢者矣

鐵橋志跋

崇禎癸未冬誤

男潮遠

盤江居夜郎之境南通滇會北達黔州東連巴
蜀西入蒼梧蒼梧接壤盤江之區爲泗城州也
爾州卽土官岑雲漢之祖識我建文皇帝之所
又楊升菴云保甸坡前不可留之地此地合計
去吳楚間七千餘里山高嶺峻棧腐梯危有摩
天巖蛇倒退相見坡之名相見者謂行兩三日
不離於山谷之下互相望而見也摩天巖謂出
掌可摩其天蛇倒退謂蛇已臥行尚畏險而退

鳴呼蛇猶如此人何以堪透迤而上則有盤江
一水鎖斷牂牁蛟穴鼉宮猱巖虎窟倒峽潑空
狂瀾沸嶂視錢塘之潮又蔑如也旭日升而嵐
光滿面朝霞徹而散霧迷天已艱跋涉之勞又
難舟楫之渡自水藺跳梁四載陸沉值先人奉
命通滇當此之時旌旗在前戈矛委後猶狐狸
嘯而咻鷓啼倦鳥鳴而饑猿吼至中夜渡江先
方伯冒怒濤而淘險浪不因脆葛枯蘿之援殆
無今日也爾時矢誓成橋木石罔工非木石之

難也中流無際兩岸虛懸木難飛挂於天石難
立基於地乃多方籌策鑄鐵成環連環成纜並
纜爲筏筏上排木左右網繩是爲鐵欄南北橫
空是爲鐵橋始渡鐵也亦甚難焉以強弓射矢
矢上牽絲絲牽線線牽繩繩牽纜纜牽鐵鐵穿
山山拴鐵柱遂駕長虹變幻百出奇狀千端賴
將士之勞良工之巧創成橋焉車輿濟涉冉冉
行雲若天馬騰空故少師燮元朱公題天塹雲
航之句兩岸續建梵宇樓臺石亭水閣山色空

濛江外逶千峰之秀波光涵淳林端飛八月之
濤前數武卽保甸坡隘當毛口六墜之險築石
城一座卽潮遠捐貲義建勅賜名連雲城列
功潮遠爲昭勇將軍自盤江而上又建城十一
座固滇黔之藩籬惟連雲一城爲鐵橋保障復
置嘗任田爲諸刹香火之資登斯橋也收烟雲
之萬態滌塵溷於一腔乃荷海內名公遊覽詩
文滇黔存木石二刻今數年間標題又不知幾
多矣固牛腰難載實鞭長不及也今功業雖存

先人往矣潮遠何能僭言惟追隨黔地二十餘
年回思曩日若電光石火曷勝流涕謹以名公
珠玉彙入鐵橋志書固不敢伸微忱報國然亦
少資先方伯西方公案潮遠愧父作而子不能
述又何敢跋焉

潮遠讀李卓吾藏書嘉靖五年泗城州岑猛
叛卽今岑雲漢之祖兩廣聚兵討猛猛死田
州而其黨盧蘇王受相結再叛益發四省兵
嶺南大困起王文成公代姚謨文成公開示
恩信班師撤旅蘇受等自縛來歸公薄示懲
遣歸農刻石云爰告思田毋忘帝德爰勒山
石昭此赫赫文武聖神率土之濱凡有血氣
莫不尊親田州石刻云田石平田州寧田水

深田山迎府治新千萬世鞏皇明嘉靖歲戊
子春新建伯王守仁勒此石告後人時公病
出安南衛卒
於盤江云

